

Хургъдт гару уга

Черноземельск района, Черноземельск "совхозин 4-ч фермин ах хөөчнр үр Мукебенов Ногъалан болн Зулаев Цавдрин отарт үвләр хөн хургългън январь сарин 21 авн эклв.

Эн фермд бәәх 1249 нәәднр хөөдәс 749 хөн хургълчкв, тер дотр 518 хөн неджәгъад хургъ, 228 хөн хошагъад хургъ, 3 хөн гурвагъад хургъ өгв. Цуг бийнь 973 хургън авгдв.

Ах хөөч Мукебенов Ногъалан отарас 379 хөн хургълчкв, тедн дотр 123 хөн хошагъад хургъ өгв, цуг авсн хургъднь 502 болв.

Багъчуд сакманщикүд болдж эн фермд шундж үзмджтәгъәр кәдлдж йовна. Эдн дунд сакманщикүд Буваева Дөчә, Буваева Хуста, Смолянская Галя, Бадмаева Нина, Бадмаева Галя, Рублева Надя, Болдырева Обба болн Кузнецова Александра күн болгън 60 хургъ хәләдж, цугтнь әмд менд, гару уга өскджәнә. Эднлә хамдан ус зөөдг Звезднев Саша чигн сән кәдлдж йовна.

Н. АНЧАЕВ.